

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Komisija za jednakopravnost spolova

Broj: 02/9-02-1440/22

Sarajevo, 7. juli 2022. godine

DOMU NARODA
PARLAMENTA FBiH

Komisija za jednakopravnost spolova Doma naroda Parlamenta Federacije Bosne i Hercegovine, na 1. sjednici, održanoj 7. jula 2022. godine, razmatrala je:

Konstituiranje Komisije,
Prijedlog Gender Centra FBiH za uključivanje amandmana na Nacrt zakona o izmjenama i dopunama Krivičnog zakona FBiH,
Informaciju o sastanku sa predstavnicama Udruženja „Bolja budućnost“.

Na osnovu člana 51., a u vezi s članom 63. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći:

I Z V J E Š T A J

**Konstituiranje Komisije za jednakopravnost spolova Doma naroda
Parlamenta Federacije Bosne i Hercegovine**

Komisija je razmatrala navedenu tačku dnevnog reda i pritom zaključila sljedeće:

Na 5. sjednici održanoj 13.2.2020. godine Dom naroda Parlamenta Federacije Bosne i Hercegovine je usvojio Odluku o izboru predsjednika, zamjenika predsjednika i članove radnih tijela Doma naroda Parlamenta Federacije Bosne i Hercegovine.

U Komisiju za jednakopravnost spolova Doma naroda Parlamenta Federacije Bosne i Hercegovine izabrani su:

Za predsjednicu
Sandra Imširović

za zamjenicu predsjednice
Daliborka Milović

za članove:

1. **Marija Iličić**
2. **Elmedin Konaković**
3. **Ivan Ivić**
4. **Iva Raguž**
5. **Velemir Tanović**

Komisija je jednoglasno potvrdila navedenu odluku.

Prijedlog Gender Centra FBiH za uključivanje amandmana na Nacrt zakona o izmjenama i dopunama Krivičnog zakona FBiH

Nakon uvodnog obrazloženja predstavnice predlagača ovog materijala i konstatiranja potrebe za drugačijom formulacijom određenih termina i promjenom određenih procedura u budućnosti, zaključeno je da Nacrt svakako treba pretrpjeti određene izmjene što treba biti propisno i adekvatno učinjeno. Predstavnik predlagača Nacrta zakona o izmjenama i dopunama Krivičnog zakona također je naglasio da slijedi javna rasprava za koju postoji ogroman interes sa različitih strana te da su već određeni prijedlozi izmjena dijelom uvaženi. S tim u vezi Komisija je usvojila

ZAKLJUČAK

Komisija za jednakopravnost spolova Doma naroda upoznata je sa prijedlozima i stavovima Gender Centra FBiH i imat će ih u vidu do konačnog usvajanja prijedloga zakona o izmjenama i dopunama Krivičnog zakona FBiH. Interes Komisije je da buduća zakonska rješenja, na najbolji mogući način reguliraju predmetnu oblast, a posebno u smislu rodno zasnovanog nasilja kao i nasilja u porodici, te će u skladu s tim i djelovati.

Informacija o sastanku sa predstavnicama Udruženja „Bolja budućnost“

Članovi komisije primili su k znanju datu Informaciju.

Za izvjestiteljicu na sjednici Doma naroda određena je Sandra Imširović, predsjednica Komisije.

PREDSJEDNICA KOMISIJE

Sandra Imširović